



Epithalamion In honorem nuptiarum doctrina, virtute ac pietate singulari
præditi viri Dn. Pavli Donati, Reuerendi & clarissimi viri Dn. M. Valentini
Donati, olim Superattendentis VVernigerodensis, piæ memoriæ, filij,
Sponsi, Et pudicissimæ virginis Vrsvlæ, pij, honesti & prudentis viri Dn.
Heinrici Lvtterodii, VVernigerodæ Iudicis munere fungentis filiæ, Sponsæ
Lipsiae


Lutterodt, Johannes

Phil 4° 00203/05 (104)

https://dhb.thulb.uni-jena.de/receive/ufb_cbu_00005835

urn:nbn:de:urmel-143336cc-defd-40d2-a5b0-269f6247cce16-00005112-17

Lizenz: <https://creativecommons.org/licenses/by-sa/4.0/>





104.

E P I T H A L A M I O N
In honorem nuptiarum doctrina, virtute ac pietate
singulari præditi viri Dn. PAVLI DONATI, Reuerendi
& clarissimi viri Dn. M. VALENTINI DONATI,
olim Superattendentis VVernigerodensis, piæ memoriæ, filij, Sponsi,
Et pudicissimæ virginis VR SVLÆ, pij, honesti & prudentis vi-
ri Dn. HEINRICI LV TTER ODII, VVernigerodæ
Iudicis munere fungentis filiæ, Sponsæ,

S C R I P T V M

Iohanne Lutterodio fratre Sponsæ germano.

Fædera casta tori non sunt spernenda iugalis,
Sed debent summa laude & honore coli.
Nam Deus ipse sacri firmissima vincula amoris
Sanxit, qui est cuncti fons & origo boni:
Non est par, hominem, cum dixit, viuere solum,
Sed sociæ vitæ gaudet ille suæ.
Hinc homo de rubea nuper tellure creatus
Incepit somnum continuare grauem.
Mox DEVS exemit sopito è corpore costam,
Mirifica complens carnibus arte locum.
Inde pudicitia fecit præstante puellam,
Adduxitq; suo pronubus ipse viro.
Pectore quam lato conspectam agnouit Adamus,
Atq; suo tales edidit ore sonos:
Hæc de carne mea, deq; ossibus arte supremi,
Vt mea sit coniunx, est fabricata DEI.
Et quia desumpta est de me, dicitur & ipsa
Voce satis propria pulchra virago mea.
Ergo suam linquet matremq; patremq; maritus
Ardenti sponse ductus amore suæ.
Atq; illi firmo nexu iungetur, & ambo
Vna caro, stabili lege tonantis, erunt.
His dictis, homines dextris coniunxit virosq;
Conditor, & caput talia verba loqui:
Edite connubij crescendo signa fidelis,
Repleat & terram vestra propago nouam.
Iuris sint vestri volucres per inane volantes,
Educat & quicquid mobilis vnda maris.
Et quæcumq; vident animalia cætera terram
In vestras verbis his ego trado manus.
Hæc data sit vobis sponsi dos regia primis
Et seruent legem pignora vestra meam.

Sic ait. Inde sacri nunc restat copula lecti,
Verbag; prima Dei iâ quosq; pondus habent.
Quare coniugium iusto dignaris honore,
Insag; sectaris, Sponsæ, verenda DEI.
Pectore dum puro vetitos contemnis amores,
Qui vere in sese nil pietatis habent:
Et cupis in thalamum castamq; piamq; puellam
Federe connubij, PAVLE, ventre tuum.
VR SVLÆ, te sociam multis è millibus vnâ
Elegit Sponsus, nec simulanter amat.
Hunc ergo ardenti complectere amore vicissim,
Et ser honorato premia digna viro.
Ipse suo præsens iungat vos numine Christus,
Nam faustus non est, hoc nisi dante, torus:
Vestrag; constringens concordî pectora vinculo,
Vnius faciat corporis esse duos.
Cæptus amor constans sit vester, iurgia cessent,
Quæ non coniugibus sunt satis æqua pij.
Atq; hilares pulkra faciat vos prole parentes
Omnipotens larga pro bonitate DEVS.
Sedibus hic vestris depellat tristitia damna,
Gratiag; illius leniat omne malum.
Quod superest satis cum Sponsa, Paule, secundis
Vive Sybillinos, Nestoreosq; dies.
Hæc Sponsæ frater fido de pectore fudit
Vota, bonus patula quæ Deus aure libat.

E T E O Σ T I X O N, A N N V M C O N
tracti matrimonij continens, ab
eodem scriptum.

Castæ pio sponso Iam IVncta est VR SVLÆ PAVLO,
Hæc, rogo, sit fato CopVLæ grata bono.

Lipsiæ In officina Typographica Iohannis Rhambæ. 1 5 7 9.